

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Dominica XXI. post trinitatis

[urn:nbn:de:bsz:31-122776](#)

## Dominica XXI. post Trinitatis.

4. *Tenebrarum squalorem*, quæ adeo spissæ futuræ sunt, ut lumen non visuri sint in æternum, Ps. 49. v. 20, idque propter continuum illum fumum, qui ex ignibus illis infernalibus quasi de ardentissima fornace exæstuabit, Ap. 9. vers. 2.

Hæc certè nos permovere debent, ut vestem nuptialem verâ fide & sanctâ virtute conversatione nobis comparemus, juxta ad-

monitionem Pauli I. Tim. 2. v. 9. I. Pet. 3. v. 3. quæ viris etiam dicta est, tunc implebuntur in nobis promissiones, Apoc. 3. v. 5. 19. v. 7. 8. & superbiemus aliquando in habitu isto, quasi sponsus decoratus corona, & quasi sponsa monilibus ornata, Es. 61. v. 10. Hoc concedat nobis Sacro-sancta Trinitas, ter benedicta in secula seculorum. Amen.

## Dominica XXI. post Trinitatis.

*Evangelium Iohann. 4. v. 47. 54.*

II. CHRISTI opitulatio.

J. J.

EXEGESIS.

David æger aliquando nauis eam concepit omnium ciborum, & quod solent ægroti, desiderio flagravit aquæ de cisterna juxta portam in Bethlehem, quæ jam à Philistæis occupata erat. Perruperunt gitur tres fortes Castra Philistinorum, & hauserunt aquam de Cisterna in Bethlehem, quæ erat juxta portam, & attulerunt Davidi, ut reficerent eum, 2. Sam. 23. v. 15. seqq.

Ita percepimus ex prælecta pericope, filium Reguli in Capernaum decumbentis flagrassè desiderio auxiliū divini, quo relevaretur in morbo suo: Pater ergo properat ad Christum, qui Dux est in Bethlehem, sed multa invenit obstacula variarum tentationum & tribulationum, quæ omnia perrumpit, ut hauriat aquam vitæ & consolacionum, quâ filium in agone constitutum refocillare possit.

Describitur nobis trifariam:

I. Ratione officii, quod fuerit Regulus, unus nimirum ex Herodis aulicis, qui nomine Re-

Cum Absolon ob fratricidium commissum à facie Regis exularet, misit ad Joab, ut mitteret eum ad Regem, sed noluit venire, cumque secundo mississet, & ille noluerit venire, præcepit servis suis, ut agrum Joabi hordei messem habentem igni succenderent: Quod ubi nunciatum est Joabo, surrexit statim & venit ad Absolon in domum ejus, 2. Sam. 14. v. 29.

Christus ipse prædicavit in Judæa & Galilæa, emisit etiam discipulos suos, qui verbo & miraculis incolas ad se venire jubarent, sed noluerunt, Matth. 23. v. 37. proinde aliâ viâ rem aggreditur, & per ignem tribulationis compellit, quos verbo ad se pelliçere non poterat. Hæc Crucis vis & énigma, Os. 6. v. 1. Es. 26. v. 16.

Exemplo potest esse Regulus in prælecta pericope, quis sine dubio tantopere ad Dominum non festinasset, nisi oeconomica crux, & filii animam agentis conditio eum huc adgesisset.

Nos ad manum sumemus Evangelium, cuius duæ sunt partes:

I. Reguli sollicitatio.

ne Regis primarium officium publicum ibi administrabat. Dicitur aliás in proverbio :

*Exeat Aula*

*Qui volet esse pius.*

Item :

*Virtus & summa potestas*

*Non coeunt*

hoc est prout Germani effertunt : *Lang zu Hooff/ lang in der Höllen.* Nam verbi divini & Sacramentorum contempsus, luxus, superbia, comedatio, ebrietas, lascivia, & id genus scelera alia primas ibi partes obtinent, ut experientia testatur. Interim pios etiam reperias, qui ad exemplū hujus Reguli Christum querunt, Deum colunt, verbum ejus audiunt, vitamq; juxta fidei & pietatis regulam instituant, qualis erat Josephus, Gen. 41. & seqq. Sadrach, Meshach, Abednego, Daniel, Dan. 3.v.16.17. Naaman, 2. Reg. 5.v.1. Obadias, 1. Reg. 38.v.3. Ebedmelech, Jer. 38. v.9. Eunuchus, Act. 8.v.27. seqq.

His vestigis insistant Aulici, ne ob terrena felicitatis splendorem eternæ beatitatis gloriam amittant. Potentes enim potenter tormenta patientur, Sap. 6.v.7.

II. *Ratione domicilii*, quod fuit civitas Capernaum, ubi Christus etiā habitavit & multa miracula patravit. Celebris illa Galilæa metropolis sita in loco amoenissimo, unde & nomen sortita est: Capernaum enim pulchrum vicum denotat. Sed crux tamen ibi quoq; tentorium sibi fixit, quod Reguli exemplum comprobat, qui ob adversam filii sui valetudinem maximoperè affligitur.

Parem crucis cœdnicæ sortem omnes conjuges adhuc hodie experiuntur. Nam conjugium est schola crucis, der Ehestand ist ein Wehstand/ ubi varia crux pios conjuges obrueret solet. Quandoq; liberi degenerant, ut Absolō, 2. Sam. 18. vel moriuntur,

ut filias Davidis à Bethsēbā natus, 2. Sam. 12. v.15. vel malo aliquo diuturno excruciantur, ut filia Cananææ, Matt. 15. v.22. quandoq; rerum domesticarū jaētūram faciunt, ut Job c. 1. vel separantur per mortem, ut Jacob & Rahel, Gen. 35. v.18. vel in perpetuis dissidiis vitam transfigunt, &c.

Discant ergo, qui conjugium inire volunt, ad crucem perferendam se præparare, ne obstupescant, ac si peregrinum aliquid eis acciderit, 1. Pet. 4.v.12. Sed cum B. Jobo paternam DEI voluntatem contemplantes dicant: *Sibona suscepimus, mala cur non suscipiamus*, Job. 2.v.10.

III. *Ratione desiderii*, quod accesserit & rogaverit Christum ut ascenderet, ac sanaret filium ipsius, siquidem volebat mori.

Elucelcit hinc

I. *Reguli cura*, quā filii salutem anxiè querit, & non quiescit donec Medicum inventiat. Hoc ipso docet parentes, quomodo charitatem suam erga liberos declarare debeant

I. *In corporalibus*, quando morbis affliguntur, ibi precibus ad CHristum fusis exemplo Davidis Deo ipsos fideliter commendent, 2. Sam. 12. v.16. legitima remedia adhibeant, curando, cibando, potando, gestando, etiam in mortis usque agonem in sinu suo foveant exemplo Sunamitidis, 2. Reg. 4. vers. 20. Hoc requirit jus naturæ, ἵστην videlicet, quam Deus omnibus etiam animantibus implantavit, ut suorum curam habeant: requirit jus gentium, 1. Tim. 5.v.8. requirit etiam jus divinum, quod docet, liberos esse donum Dei, ac proinde sedulò curandos, Psal. 127. v.3.

I. *In spiritualibus*. Ubi requiritur educatione pia & honesta, quæ fiat in disciplina & correctione Domini, Eph. 6. v. 4. ut discant

Nn 2

liberi

liberi custodire viam Domini & facere iudicium & iustitiam, Gen. 18. v. 19. hic est optimus thesaurus quem parentes liberis suis relinquere possunt, Matth. 6. v. 20.

2. *Fidei natura.* Non statim perfecta est, sed tenuia habet principia, & quotidie crescit. Regulus hic in primo congressu ex infirmitate Christum urget, ut secum descendat, antequam moriatur filius. Major erat fides Centurionis Capernaiticæ, Matth. 8. v. 8. postea vero augetur fides hujus Reguli, & fit quasi lux, quæ omnes ejus domestici collustrantur. Hoc ipsum Iuppedit nobis vivificam consolationem, quod Christus linum fumigans infirmæ fidei nolit statim extingueri, Es. 42. v. 3. Ingemiscamus ergo jugiter cum Apostolis: Domine adauge nobis fidem, Luc. 17. v. 5. & quemadmodum sacerdotes in Y. T. ex mandato Dei quotidie ligna apponebant, quibus ignis coelitus delapsus nutriebatur, Lev. 6. v. 12. Sic, quia lumen spirituale sacerdotes per fidem in Christum facti, Ap. 1. v. 6. ex ligno vitae, hoc est, ex verbo nutriamus ignem fidei coelitus delapsum, quod Apostolus vocat ἀνθεγέν τὸ χάριμα τῷ Θεῷ, 2. Tim. 1. vers. 6.

### De Secundo.

Vidimus Reguli sollicitationem, videbimus etiam Christi Optulationem, quæ est

I. *Rigorosa*, propter increpationem, quæ Regulo incredulitatem suam exprobrat his verbis: *Nisi signa & prodigia videritis, non creditis. Unde apparet, fidem veram non signis & miraculis sed verbo solùm diuinatus nobis revelato inniti debere. Non enim ex signis, sed ex auditu fides est*, Rom.

<sup>et signis</sup> 10. v. 17. miracula vero signa tantum sunt miraculis à filio factis fides ē. Vid. Joh. 20. 31. Joh. 2. 11. iudic. iuste autor signa p. 51. dicit: *Huius & signis miraculorum, ut infideles ad fidem edificant.*

verbum confirmantia, Marc. 16. v. 20. Hodie igitur non opus est miraculis, quia verbum habemus, per miracula Christi & Apostolorum satis super quæ confirmatum, & si quis adhuc prodigia querit, magnum ipse prodigium est, cum toto mundo credente, non credit, ut Augustinus pulchri loquitur.

II. *Gratiosa.* Non rejicit ipsum propter fidem infirmam, sed potius fovet, & ad incrementum sensim perducit. Quia enim filiali affectu legalem increpationem suscipit, & denud in stat: Domine descende, priusquam moriatur filius meus, Evangelicam consolationem mox subjungit Christus, & vade, inquit, filius tuus vivit: Ita nobis ordinem monstrat, quomodo cum infirmis in fide procedendum sit, nimirum correctioni succedat consolatio, ne desperent in peccatis, sed in Christo petra salutis resurgent, & conserventur ad vitam æternam. His sunt duo baculi, Zach. 11. v. 7. Monstrat etiam orationis vim, quæ tanta est, ut vincat invincibilem, & necessaria cuncta nobis impetrat, Ps. 145. v. 19.

III. *Miraculosa.* Nam solo verbo absenter curat Reguli filium, & hoc ipso se verum & unicum salvandi magistrum, imò virtutem & mortis Dominum esse, satis evidenter demonstrat. Vox Domini cum virtute, vox Domini in magnificencia, inquit David Ps. 29. v. 4. omnes creaturæ ipsi parent, Ps. 148. v. 8. Sir. 40. v. 37. verbum ejus est verbum vitae, Job. 6. 68. quod tollit omnes morbos, Sap. 16. v. 12. salvat animas, Jac. 1. v. 21. & tandem etiam corpora vivificabit, Joh. 5. v. 25. Ergo cum debita reverentia amplectamur: sonat adhuc in Ecclesia ex ore ministrorum, quibus Christus in celum ascendens vices suas demandavit, ille vero è reges addit, & invisibiliter ambulat adhuc in medio candelabro-

laborum, Apoc. I. v. 13. hinc Luc. 10. v. 16. qui vos audit, inquit, me audit, qui vos contemnit, me contemnit, qui autem me contemnit, contemnit eum qui misit me.

IV. *Fructuosa, si spectes*

1. *Reguli infide corroborationem.* Nam postquam audit verbum promissionis: Filius tuus vivit, firmiter ei adhæret, quamvis effectum verbi nondum videbat: Ita nostrum est verbo inniti, & Christo dicenti confidere, etiamsi exterius nihil auxili & nihil etiam mediorum humanorum appareat contra spem in spem, Rom. 4. v. 18 Hæc est fidei proprietas, Ebr. II. v. 1. tunc Christus incrementa dabit, ut crescentes in agnitionem Dei omni labore corroboremur secundum gloriosam vim ipsius ad omnem tolerantiam & animi lenitatem cum gaudio, Col. I. v. 10. 11.

2. *Servorum obviationem.* Postquam enim descendit, ecce servi occurunt ei & filii sanitatem annunciant. Hoc Christus ita dirigit, ut Regulus ex optatissimo servorum nuncio in fide sua magis magisque confirmetur, sicut adhuc varia media adhibet, & servos suos ablegat, qui in instructione salutati & consolatione etiam infirmis succurrunt, ut in fide magis magisque consolentur & perficiantur. Eunocho adjungebat Philip-pum, Act. 8. v. 26. Paulo Ananiam, Act. 9. v. 11. Ita adhuc ordinat, quosdam Pastores, quosdam Doctores, ut præparentur Sancti in opus ministerii ad ædificationem corporis Christi, Eph 4. v. 12.

Sub persona famulorum horum servorum frugac fidelium officium nobis depingitur. Quam primum filius convalescit, occurunt Domino suo obviam, nec unus duntaxat sed plures simul. Ex quo intelligitur, quām seriō congaudeant, & hero tuo

gratuleantur de recuperata filii sanitate. Parimodo omnes servi erga Dominos suos, eorundemque liberos affecti sint, juxtaadmonitionem Sp. S. Eph. 6. v. 5. 6. 7. 8. Col. 3. v. 22. 23. 24. 25. talis servus fuit Eleasar, Gen. 24. v. 10. 12. Jacob, Gen. 30. v. 29. 30. Joseph, Gen. 39. v. 8. horum vestigia ubi sequentur servi nostri, largissimam olim retributionem reportabunt, Luc. 12. v. 42. seqq.

3. *Hora sciscitationem vel explorationem,* v. 52. 53. Hoc iterum segmentum est, quo Regulus ignem fidei suæ confortavit, quia ex relatione servorum cognoscit, quod èa ipsa horâ filius convalluit, quā Christus dixerat: Filius tuus vivit.

Sic quando Christus nos ad fidem vocat, & media offert quibus illa confirmari potest, non simus tanquam equi & muli capistro indigentes, Ps. 32. v. 9. sed dociles nos præbeamus, & in scripturis diligenter inquiramus, ut Berthoentes, Act. 17. v. 11. tunc nobis Dominus coraperiet, Act. 16. v. 14. & opus bonum, quod cœpit in nobis, perficiet usque in diem Jesu Christi, Phil. 1. v. 6.

4. *Totius familia conversionem.* Nam credidit ipse, & tota domus ejus. Egregium certè speculum disciplinæ Oeconomicæ, quam omnes Patres & Matres familiâs erga domesticos suos exercere debent, ut ipsi non solum pietatis studiis sint, sed totam etiam familiam suam in vera Dei agnitione fideliter instituant, & ad Christum perducere laborent. Hoc sit, dum bono exemplo domesticis præludent, Matth. 5. v. 15. à tenebris ipsos Scripturam edocent, 2. Tim. 3. v. 15. verba legis domi frequenter reperunt, Deut. 6. v. 7. ad templum ipsos compellunt, exemplo Cornelii, Act. 10. v. 33. qui ita domum suam gubernat, audiet tandem vocem sua-

vissimā. Euge serve bone, &c. Matth. 25. v. 23.  
¶ Gloria Christi manifestacionem, Ad-  
dit enim Evangelista, hoc secundum fuisse  
signum à Christo editum, postquam vene-  
rit ē Judæa in Galilæam.

Hoc pulcherrimam nobis consolationem  
suppeditar. Sicut enim Christus in primo  
suo adventu, quo nuptias in Cana Galilæa  
decoravit, aquam transmutavit in vinum, &  
in secundo adventu ibidem filium Regulū à  
febriliberavit: Ita nobis in primo adventu

suo vinum Evangelicæ consolationis attu-  
lit, quo aqua tribulationum in hac vita edul-  
coratur. In secundo autem adventu quando  
redibit judex universalis totius mundi, ab  
omnibus morbis & calamitatibus, imò abi-  
psa morte nos liberabit. Nam mors ibi ultra  
non erit, nec luctus, nec clamor, nec dolor.  
Ad hanc incolumitatem sempiternam nos ex  
gratia perducat Deus Pater, Filius & Sp. S.  
cui sit laus, honor & gloria in sempiterna  
secula, Amen.

## Dominica XXII. post Trinitatis.

*Evangelium Matth. 18. v. 23-35.*

**T**hronus Regius Salomonis ita descri-  
bitur i. Reg. 10. vers. 19. quod duabus  
hinc inde manibus sustentatus fuerit.  
Si Regem in hodierno Evangelio bene  
contemplemur, parentem thronum deprehen-  
demus, cui insidet. Manus ab utroque late-  
re sunt justitia & misericordia. Dum servum  
citat & solutionem exigit, justitiam suam de-  
clarat. Dum verò debitum ipsi remittit, mi-  
sericordiam ostendit, quā omnes verè pœ-  
nitentes peccatores in gratiam recipere pa-  
ratus est. Hæ sunt duæ bases & columnæ,  
quibus thronus ejus innititur, Ps. 89. v. 15.

Nos ad manus sumemus Evangelium i-  
plum, quod tribus constat partibus:

I. *Exhibit Regis munificentiam.*

II. *Servit truculentiam.*

III. *Vindictæ inclemantium.*

J. J.

### EXEGESIS.

**P**ropheta Gad ad Davidem missus tria  
ipsi flagella proposuit, atque optionem

dedit, ut è tribus unum seligeret, vel septen-  
nio duraturam famem, vel trimestre bellum,  
vel peltrem triduanam, ibi Rex, coarctor ni-  
mis, inquit, sed melius est mihi ut incidam  
in manus Domini, quoniam multæ sunt  
misericordiae ejus, 2. Sam. 24. v. 12. seqq.

Hoc evidenter probat & confirmat præ-  
lecta pericope, ubi Rex servo decem talen-  
torum millia sibi debenti, misericordia  
commotus, omnia remittit, sed ille à facie  
Regis egressus aliquem de conservis suis of-  
fendit, qui centum denariorum debito sibi  
obstrictus erat, hunc sine misericordia  
strangulat, & in carcerem conjicit, donec  
persolvat debitum. Quis igitur non liben-  
tius incideret in manus Domini, quā in  
manus hominum? Misericors Dominus &  
justus, & Deus noster miseretur, Ps. 116. v. 5.

Hæ omnia clarius patescent si contém-  
plexur

I. *Regis celsitudinem*, qui Deus est De-  
orum, Ps. 136. v. 2. & Dominus Domi-  
norum, I. Tim. 6. v. 15. id quod ex eo satis ap-  
paret,